

OF THE
UNIVERSITY OF ILLINOIS
1897

AD

D. GREGORII MAETTIGII

DE GYMNASIO BUDISSINO IMMORTALITER MERITI

ANNIVERSARIA

DIE XXII. MARTII RITE CELEBRANDA

SUMMOS REI SCHOLASTICAE IN LUSATIA SAXONICA
CUSTODES

SENATUM HUIUS URBIS MAGNIFICUM
CAETEROSQUE SCHOLAE NOSTRAE FAUTORES

COLLEGI NOMINE HUMANISSIME INVITAT SIMULQUE

L U S T R A T I O N E M V E R N A M

QUA DD. XXIII. XXIV. XXVI. MARTII

GYMNASII CIVES SPECTABUNTUR

INDICIT

M. CAROLUS GODOFREDUS SIEBELIS.

*Disputationi de RHIANO subjuncta est brevis horum solemnium
et rerum scholasticarum hujus anni narratio.*

BUDISSAE

EX OFFICINA ERNESTI AENOTHEI MONSII

MDCCCXXIX.

CHRISTIANO AUGUSTO BEHRIO,

JUSTISSIMO VERBI DIVINI MINISTRO,

OMNIA AD ECCLESiarUM SCHOLARUMQUE SALUTEM

RELIGIOSISSIME REFERENTI,

AD VERAE RELIGIONIS COGNITIONEM CULTUMQUE

RECTAM VIAM ET VERBIS ET FACTIS MONSTRANTI,

DIUQUE PER FILIUM COLLEGAMQUE JONATHANEM MONSTRATURO,

OB SINGULAREM DOCTRINAM SINCERAMQUE PIETATEM

A RUTHENICIS PRINCIPIBUS

SUO CONSISTORIO A CONSILIIS ESSE JUSSO,

SOCERO SUO DILECTISSIMO

SUMMAQUE REVERENTIA. COLENDO

SOLEMNIA SEMISAECULARIA

GRATULATUR

GENER DEDITISSIMUS

C. G. SIEBELIS.

Nil actum reputans si quid superesset agendum.

Lucan.

Quum ad solemania, quae nobis indicenda sunt, libello aliquo proluendum esset; de *Rhiano*, grammatico et poëta non obscuro, ejusque operibus, quorum nobis et integrae aliquot partes et fragmenta quaedam restant, scribere constituimus, quod neque in carminum Homericorum historia tradenda, neque in rerum Messenicarum, quae non contemnenda pars veteris sunt historiae, fide aestimanda, neque in variis antiquae geographiae locis hujus viri nomen, etiam in Anthologia graeca in scholarum usum curata obvium, silentio potest praeteriri. Quod nomen in Etymologico M. *Ῥειανός*, ab aliis rectius *Ῥιανός* scriptum, passim quidem in *Ariani* seu *Arriani*, veluti in Athen. III, 82. b. in Polluc. II, 180, in Eustathii Comm. in Dionys. Perieg. 66. 415. et fortasse in Bekkeri Anecd. III, 1182. Scholiisque Venetis ad Iliad. XIX, 119. corruptum, sed ab editoribus vitium correctum vel notatum est. Codex Perusinus Stephani B. v. *Ἀιμονία* habet *εὐριανός*. Dicendi autem initium ab iis, quae Suidas de hoc viro refert, repetendis explicandisque faciendum putavimus. Suidas igitur haec habet:

Ῥιανός, καὶ Κρής ὢν, Βηναίος (Βήνη δὲ πόλις Κρήτης) τινὲς δὲ Κραττην, ἄλλοι δὲ Ἰθώμης τῆς Μεσσηνίας αὐτὸν ἰστορήσαν. οὗτος δὲ ἦν τῆς παλαιστρας πρότερον φύλαξ, καὶ δοῦλος ὕστερον δὲ παιδευθεὶς ἐγένετο γραμματικὸς, σύγχρονος Ἐρατοσθένους. ἔγραψεν ἑμμετρα ποιήματα Ἡρακλειάδα ἐν βιβλίοις τέσσαρσι i. e.

Rhianus, qui et Cretensis dicitur, Benaëus fuit. Bene autem urbs Cretae. Nonnulli eum Ceraitem, alii autem Ithome Messeniae urbe oriundum fuisse narrarunt. Hic antea palaestrae custos erat ac servus, postea autem literis institutus a palestra ad grammaticam se contulit et aequalis fuit Eratosthenis. Scripsit praeter alia poëmata et Heraclidem libris IV. Endocia quoque Suidam sequuta Rhianum grammaticum Cretensem ex urbe Cretica Bena dicit, et Pausaniae, qui IV, 1, 4 et 6, 1. eandem Rhiano patriam vindicaverat, auctoritatem jam Stephani B. testimonio, quod et hoc Suidae loco et alio, ubi est *Βήνη, ὄνομα κῆριον*, firmari potuit, in Pausaniae editione defendimus. Valckenarius enim quaesierat, num apud Pausaniam pro *Βηναῖος* legendum esset *Αβηναῖος*. Cujus quaestionis causa latet fortasse in eo, quod Strabo X, 478 (257) *Lebenam* quidem Gortynis emporium, nusquam autem *Benam* in Cretae urbibus commemorat, nec Plinius II, 20. habet nisi *Lebenam* (nunc Liondam?) et *Lebenaë* apud ipsum Pausaniam II, 26, 7. fit mentio. Qui nodos conjecturis solvere consueverunt, fortasse *Lebenam* a *Bena* diversam non fuisse suspicabuntur; quod enim apud Strabonem de *Lebeua* legimus, idem fere Stephanus B. de *Bena* tradidit: *Βήνη ὑπὸ Γορτύνην τεταγμένη*, et ut Strabo Pliniusque *Benam*, ita Stephanus B. *Lebenam* ignorat. *Lebenam* in agro Gortynensi fuisse testatur etiam Philostratus in v. Apol. IV, 11. Quae conjectura si a vero propius abesset, diceremus quidem Rhianum et *Benaëum* et *Lebenaëum* potuisse appellari, minime autem cum Valckenario, apud Pausaniam *Βηναῖος* in *Αβηναῖος* mutandum esse. Suidas addit, nonnullos Rhianum *Ceraitem* esse voluisse; quod quid sit, Strabonis locus X, 476 (239 sq.) docet, ubi *Cnossus* antea *Καλατος* (media producta v. Callim. h. in Dian. 44.) nominata, idemque nomen fluvio praeterlabenti fuisse dicitur. At non modo in Strabonis ed. Basileensi et in epitome p. 136. Huds. verum etiam in omnibus Strabonis libris teste Tzschuckio *Κερατος* legitur seu *Κερατός*, et inde gentile esset *Κερατῆς*. Sed si urbis nomen fuit *Κερατος*, ex eo formandum fuit vel *Κεράτιος*, ut apud Hesychium, *Κεράτιοι οἱ Κνώσιοι*, vel *Κεράτειος*, ut

in Virgil. Cir. 113, *Caeratea*, vel *Κερατίτης*. Equidem non habeo, quo illam hujus gentilis formam tuear, si thlipsin prioris τ, qualis est in *κέρας* et similibus, nolis admittere. Sed erit fortasse qui Cnosios Ceratios vel Ceraïtas malit de vocabulo *κέρατος* id est Hesychio et Phavorino interpretibus *φυτὸν*, ὃ πρὸς τὰ τόξα ἐχρῶντο appellatos esse, pro sua opinione Cnosiiis propugnans arcibus; quanquam equidem nescio an probabilior sit hujus nominis derivatio a *κέρας arcus*, ut sint *κέρα χρώμενοι*, *ἐνδοχοί*, *sagittarii*, sicut *κέρα ἄγλαος* Hom. II. XI, 585. add. IV, 109. Hoc ipsum autem, Rhianum a nonnullis Ceraïtem seu Cnosium dictum esse, confirmat Stephanus B. v. *Βήνη* his verbis: *Ριανὸς ὁ ποιητὴς Βηναῖος ἦν ἢ Κερατίτης ἢ Κρής* quod non fuit sollicitandum, quum sensus sit: *Rhianus Benaëus fuit vel Cereates vel simpliciter Cretensis*; legendum tamen videtur *Κερατίτης*, nisi sumas, a foeminino urbis nomine *Κερέα* ductum esse illud gentile. Pro *Ἰθώμης* apud Suidam antea vitiose legebatur *Ἰθάκης*, in quo illustrando ac defendendo Berkelius ad Stephanum v. *Ἰθάκη* operam perdidit; hominem autem, qui Messeniorum res carmine persequutus erat, facile quis opinari potuit in Messenia ipsa ejusque urbe bello inclyta natum esse. Si quod deinde Suidas narrat verum est, videtur ita intelligendum esse: *Rhianum antea servum, deinde autem manumissum, palaestrae praefectum seu custodem factum esse*. Num *παλαιστροφύλαξ* idem fuerit qui xystarcha, quod opinabatur Mercurialis Art. Gymn. I, 12, hunc (xystarcham) dicens plurium exercitatorum moderatorem, victorumque et omnium praemiorum decernendorum judicem fuisse, et palaestrae [publicae] curam habuisse, quaerendum videtur, illud autem valde dubium, quod nonnulli crediderunt, xystarcham non diversum fuisse a gymnasiarcha (cf. Periz. ad Aelian. V. H. II, 6), quum gymnasiarchae in numero *δαπανούντων εἰς τὰ δημόσια* fuerint teste Polluce lib. III, cap. 6. Quocumque autem modo de *παλαιστροφύλακος* munere judicetur, illud certe an sordidum et in iis fuerit, quibus servi etiam functi sint, jure dubitabit, qui servorum ministeria in palaestris a Mercuriali l. c. recensita consideraverit. Itaque Rhianus jam homo sui juris fuisse censendus est, quum factus est custos palaestrae.

A palaestrae autem cura ad grammaticae studium transit; cui simile exemplum attulerunt hoc e Stephano B. v. Ἰλλάριμα — Ὅθεν ἦν ἱεροκλῆς ὁ ἀπὸ ἀθλήσεων ἐπὶ φιλοσοφίαν ἀχθεῖς. Quam longe autem fines grammaticae a veteribus prolati sint, vel ex his paucis intelligitur, quae et nostrorum adolescentulorum, quibus inprimis prodesse volumus haec scribentes, et eorum gratia, qui vel in his literis non habitant et regnum sed animi sedationem recreationemque quaerunt, vel parum honorifice de grammatici iudicant officio, hic colligam. Ad grammaticae igitur disciplinam veteres existimarunt pertinere poetarum pertractationem, historiarum et philosophiae cognitionem, verborum interpretationem, criticam, ut de variis lectionibus ac de germanis spurisque locis scriptisque iudicium ferri posset, musicam metri et rhythmus causam, astronomiam, quum poetae saepe de ortu et occasu siderum loquerentur, eloquentiam quandam, ut de his rebus omnibus proprie et copiose dici posset, denique pronunciandi quandam sonum. Praeterea parentes a grammaticis exigebant, ut mores teneros ceu pollice ducerent, ut si quis cera vultum facit, et ut essent patres ipsius coetus, ne hic turpia luderet. Cf. Juven. Sat. VII. extr. Pauci fortasse cum Quintiliano dixerunt: *Mihi inter virtutes grammatici habebitur aliqua nescire.* Quoniam autem apud veteres tanti ambitus fuit grammatica, videtur et Quintilianus iure voluisse, *grammaticos amorem et usum lectionis non scholarum temporibus sed vitae spatio terminari*, et Suidas recte scripsisse, Rhianum literas doctum professum esse grammaticam.

Quum inprimis poetae in puerorum classe interpretandi essent veteribus grammaticis, in iis quod fuerint qui Camoenae spiritu, quo illi pleni aliorum pectus calefecerant, ipsi quoque afflati interdum incallescere, neminem mirari aequum est. Grammatica enim licet tardo gravique incedat gradu, tamen ab ejus societate et contubernio poësin alis suis superbientem et ad volandum uti gestientem non abhorrere, plura et vetera et recentia exempla docuerunt: Callimachus, Eratosthenes, Apollonius et Simmias Rhodii, Crates Mallotes, Diodorus Tarsensis,

Damocharis non tantum in grammaticorum sed etiam in poetarum numero sunt habiti; Tyrtaeum nostra maxime aetas grammaticorum choro excludere conata est, scilicet quod traditur διδάσκαλος γραμμάτων fuisse indignum esse putans tanti poetae nomine: nostra autem memoria J. H. Vossius, ne de vivis dicamus, cum poetarum interpretatione i. e. grammatica poesin ita copulavit, ut veteres Romani vites cum ulmis. Similiter Rhianus grammaticae et poeseos studiis Minerva non invita conjunctis in utroque genere quid posset ostendit, quum non tantum Homericæ Iliadis editionem curasset, sed ipse etiam animum ad carmina scribenda appulisset. Suidas ea de re ait: *ἔγραψεν ἑμμετρα ποιήματα*. quod quale esse videatur, paulo post dicitur; et propter carmina, quae composuit Rhianus, *ποιητής* apud Stephanum B. v. *Βήνη*, et *ἐποποιός* apud Athenaeum XI, 499, a Wolfio autem in Prolegg. p. CLXXXVIII. *nobilis poeta* appellatur. Magnae vero ei laudi est, quod ejus epigrammata in Meleagri Corona, cui inserta sunt, nominantur *σάμψυχον ἀφ' ἡδυνόοιο Ριανού* in Anthol. Pal. T. I. p. 69. et in Weichert Collectione Epigrammatum ex Anth. gr. Pal. p. 1. *Sampsuchum* in floribus coronariis fuisse monet Jacobsius; atque hanc ego quidem laudem pluris fecerim quam cujus testis citatur Suetonius in v. Tiberii c. 70. Quae Rhiani carmina in veterum scriptis commemorentur, postea indicabitur, nunc ad Suidam redeundum est, apud quem vulgo legitur de Rhiano: *ἔγραψεν ἑμμετρα ποιήματα*. quod cur intactum praetermiserit Jacobsius in Anthologiae gr. T. XIII. p. 945, mirum videri possit, quum multis ante annis Toupius correxisset: *ἔγραψεν ἑξαμέτρῳ ποιήματα* in Emend. in Suid. III, 598, et Kusterus jam monuisset, *cum omnia poemata sint ἑμμετρα, alterutram vocem supervacaneam esse*. Contra Barkerus in Gaisfordi Poet. Min. gr. vol. III. p. 473 (271 ed. Lips.) ait: „Recte habet *ἑμμετρα ποιήματα*.“ sed nihil addit quo id firmetur, satis habens lectores rejecisse ad H. Steph. Thes. II. p. 899. seu T. V. p. 6106 Lond. qui, quoniam ad manum non est, quomodo vulgatam in Suida defendat, dicere non habeo. Vitium, si vitium est, certe inveteravit, nam repetivit Eudocia. Sane poema sua natura *ἑμμετρον* est, namque est *λέξις ἑμμε-*

τρος τὸ λογοειδὲς ἐκβεβηκνῖα (Diog. L. VII, 60) et ἔμμετροι λόγοι in Longini fragm. 2. p. 160. Weisk. sunt *dicta versibus condita*; an vero illud tempus jam tulerit ἄμετρα ποιήματα, recte dubites. Quodsi quis quod apud Suidam tralaticium est neget esse vitium, ei alia utendum interpretatione et dicendum erit, ἔμμετρα ποιήματα hic quidem esse *carmina, in quibus omnia metrorum legibus convenientia sint, quae metricae rationes venustate ac pulcritudine i. e. summa omnium partium convenientia commendent*. Quum mihi de Rhiano non pro illo dicendum sit, quanquam haec interpretatio laudes ejus augeat, tamen lubenter cuique concedam, ut utrum placeat amplectatur, vel neutro probato aliquid utroque melius ipse inveniat. *)

Quod denique ad *aetatem* pertinet Rhiani, Suidas eum aequalem fecit Eratosthenis; hujus vero vitae octoginta annos ab Olympiade 126 usque ad Olympiadem 146 = 276 — 196. a. C. bona prorogavit validudo; quod idem testatur Suidas nec a Bernhardyō hic contentus, et a Saxio in *Onom.* T. I. p. 109. probatus assentiente Weickerto, qui Rhianum Apollonii Rhodii aequalibus accenset p. 247. de vita Apoll.

His quae apud Suidam relata legimus de Rhiano, nam de Heracliade, quam ille unam ex ejus carminibus nominat, paulo post dicendi erit locus, utcunque expositis, jam ad Rhiani opera, quae veteres commemorant, et ad loca, per quae eorum fragmenta dispersa sunt, indicanda videtur transeundum esse. Primum autem locum occupet

Homericae Iliadis recensio, ἡ Πιανοῦ seu ἡ κατὰ Πιανὸν vulgo dicta, cujus fragmenta in Scholiis Venetis servata indicavit Wolfius in Prolegg. p. CLXXXVIII, quibus adde Scholia Wassenbergii ac Lipsiensia ad Iliad. I, 91. Quam nobis recensionem eodem Wolfio iudice fragmenta haec desiderabiliorem faciunt, quam quidquid in hoc genere luit

*) Postquam haec scripta erant, amicus quidam Lipsiensis mecum per literas communicavit locum Stephaniani Thesauri a Barkero citatum, sed nihil in eo mihi reperisse videor, quod ad lectionem in Suida vulgatam defendendam valeat.

Apollonius Rhodius. Consensit Rhianus fere cum Aristarcho, vel Aristophane, vel Zenodoto, vel Antimacho, vel cum Massaliotica; sed solus etiam discessit a Vulgata veluti XXIV, 85; laudant Scholia ejus lectionem XX, 188. additis his: *οὐκ ἀχρεῖτος*. In hoc igitur carmine pertractando ac recensendo Rhianus *grammatici* munere functus *grammaticus* recte nominatus est; sed *poëta* etiam propter carmina sua, quae multis probavit, meritus est appellari. *Epici* etiam nomine ornatus est fortasse propter Heracleam et Messeniaca, in quibus Hercules et Aristomenes primas agebant. In reliquis autem suis carminibus videri potest *civitatum origines cecinisse*, ut Apollonius Rhodius, de quo v. diligentissime scriptum a Weichertō librum p. 95.

Carmina Rhiani a veteribus laudata haec sunt:

I. *ΗΡΑΚΛΕΙΑΣ*, *Acta Heracleis*. Citatur hujus carminis, forsitan encyclii, liber *quartus decimus* in Etym. M. p. 153. Suidas igitur, qui non nisi quattuor ei libros dedit, correctus est a Vossio de Hist. graec. Ex *Heraclea* in Athen. III, 82. b. *Sidus*, Corinthiae pagus, et in Etym. M. p. 153. montes *Aroleni* prope Trachinem commemorantur. Ad eandem retulerim primum quod in Scholiis ad Aeschylī VII. Theb. 148, ubi de Oncaeā Minerva Thebis culta, et de Oncaeis Thebarum portis sermo est, legitur: *Μέννηται τούτου καὶ Ἀντίμαχος καὶ Πανός*. Pronomen *τούτου* videtur nos rejicere ad praecedentia, Oncaeā Minervam Thebis cultam esse portasque ibi fuisse Oncaeas nominatas: deinde quod Stephanus B. refert v. *Βευβίνα*, pagum vel oppidum hujus nominis in agro fuisse Nemeaeo, gentile autem, quod apud alios sit *Βευβινῆτης*, apud Rhianum esse *Βευβινάτης*. Quod nomen translatum esse ad *leonem Nemeaeum*, ex alia discimus Heraclea, quam condiderat Panyasis, in qua eodem teste Stephano ille leo *Βευβινῆτης* vocatus est. Eodem fortasse pertinent quae et Scholia in Homeri Iliadem ab Im. Bekkero recensita ad XIX, 119. de *Hercule* post Eurystheum nato et illi subjecto narrant cum hoc additamento: *ἡ ἱστορία παρὰ Ἀριανῶ*, pro quo Bekkerus legendum suspicatur *παρὰ Πανῶ*: et Stephanus B. v. *Ἀράχυνθος* habet; quem locum fragmentis incertae sedis addidi.

II. ΘΕΣΣΑΛΙΚΑ. In limine hujus poematis fragmentum idigne de priscis Thessaliae nominibus eorumque auctoribus, quod nobis scholiastes ad Apollon. Rh. III, 1090. servavit, positum fuisse cum Jacobsio existimamus. Ad eundem locum haud dubie respexit Stephanus B. v. *Αἰμονία*, ubi idem e Rhiano de Pelasgo, Haemone ac Thessalo affertur hoc uno discrimine, quod Haemo Pelasgi non filius sed nepos ex filio Chloro perhibetur. Quamquam autem Chlorum Rhianus ignoravit, tamen Stephanum hic non illico dicemus corruptum esse; quum enim scripserit ὡς Πιανὸς καὶ ἄλλοι, ex istis alijs videri potest Chlorum seu simile nomen inseruisse. *Quarti et septimi* libri duo restant versus apud Stephanum B. v. *Δωνεττιῖνοι*, quos correxit Jacobsius in Anthol. gr. T. XIII. p. 946. In priore ἰδ' jam legitur in Bibl. Coisl. p. 206. Eodem loco Jacobsius versum *quarti* libri apud Stephanum B. v. *Παραναῖοι* emendat. De *Paravaeis*, gente Thesprotica, v. Palmer. Graec. Ant. p. 334. sed qui a Rhiano simul hic commemorantur *Omphalienses* Thessali fuerunt. Alium *quarti* libri versum Stephanus B. affert v. *Χαῦνοι*, in quo cum *Chaunis Cestreni et Elini* commemorantur; quae omnes videntur gentes fuisse Thesproticae. Pro *Κεστρηνοὶ* putamus *Κεστρίνοι* scribendum; de *Cestrinis* v. Palmerii Graec. Ant. p. 273 sqq. Ad hunc autem versiculum respicere Stephanum B. v. *Ἐλινοὶ* Jacobsius jam animadvertit. Ex eodem hoc *quarto* libro Stephanus testimonia repetivit v. *Ἀρκτᾶνες, Γενοαῖοι, Κέλαιθοι, Ὑπαιλόχοιοι et Συλλονες*, ubi pars versiculi servata legitur. Hae vero gentes fuerunt Chaonicae, Molossicae, Thesproticae et Epiroticae. In *quarto et quinto* libro Rhianus dixerat de *Ethnestis*, gente Thessalica, eamque nominatam esse de *Ethnesto*, Neoptolemi filio v. Stephan. B. h. v. Idem Stephanus ex libro hujus operis *octavo* v. *Ἀρτέμιτα* hoc habet: ἔστι πλησίον τῶν Ὀξειῶν νήσων νῆσος Ἀρτέμιτα. Πιανὸς ἢ Θεσσαλικῶν.

Νήσοις Ὀξείησι καὶ Ἀρτεμίτη ἐπέβαλλον.

Vulgo legitur *Ἀρτεμίνη*, sed τ inserit Strabo I, 59 (159) ut Stephanus in praecedentibus. Has *Ὀξείας νήσους* Ortelius in Thesouro geogr. male interpretatur *Oriorum insulam*, quum sint *Echinades*. Ex eodem

libro commemoratur apud Stephanum Ὀνθύριον, Thessaliae urbs circa Arnen cum gentili. Ex ποπο libro versus profertur in Stephano B. v. φυλλοῦς de urbe hujus nominis Thessalica. *Thamiam* Thessaliae urbem ex quarto decimo, *Tripolissios* autem Thesproticam gentem fuisse ex quinto decimo libro docet Stephanus h. v. Libri *sexti decimi* mentio fit in Steph. B. v. *Αἰώνεια*, quam urbem Meliensium vel Maliensium Rhianus *Αἰώνην* appellaverat. Ex quo intelligi potest, certe *decem sex* librorum fuisse haec Thessalica. Libri autem nescitur quoti versiculus affertur in hoc Scholio Veneto ad Iliad. II, 175: τὸ εὐκνήμις ἀμέλει ἐπὶ τῆς Ἀθηνᾶς τέτακται παρὰ Ῥιανῶ ἐν Θεσσαλικοῖς
τοὶ δ' ἦδη ἐπὶ νηῶν εὐκνήμιδος Ἰτωνῆς.

In Gaisfordi Poet. min. gr. III, 275. Lips. corrigitur νηὸν a Bekkero autem νηῶ.

Operis nomine omissio sed, ut videtur, e *Thessalicis* haec afferuntur in Stephano B. v. Φάληρον. — Ἔστι καὶ Θετταλίας πόλις πρὸς τῇ Οὔτῃ, ἣν Ῥιανὸς διὰ τοῦ α γράφει Φάλαρον λέγων. cf. Strabo I, 60 (161) Liv. XXVII, 50. et de alia Thessaliae urbe *Phalora* h. v. ταύτην Ῥιανὸς Φαλωρίαν καλεῖ. De hac cf. Liv. XXXII, 15. XXXVI, 13. Deinde de *Agylla*, Tyrreniae urbe, h. v. — Ἔστι δὲ κτίσμα τῶν ἐκ Θετταλίας Πελασγῶν. — Ῥιανὸς δὲ Ἀγύλλιον εἶπε χαλκόν. Salmasius in Solin. p. 60. et Berkelius corrigunt Ἀγυλλῖνον. Quod autem de *Echino* habet Stephanus, incertae sedis fragmentorum reliquiis inserendum putavimus. Denique e Thessalicis repetitum existimamus quod Scholia ad Euripidis Alcest. init. narrant, Rhianum dixisse, *Apollinem sua sponte Admeto servisse amore ejus captum*.

III. *ΑΧΑΙΚΑ*. Haec nobis innotuerunt e Stephano B. ubi primum haec leguntur v. Ἀπία, οὕτως οἱ νεώτεροι τὸ Ἄργος καὶ τοὺς κατοικοῦντας Ἀπιδόνας ἀπὸ Ἀπιδος τοῦ Φορωνέως, ὡς Ῥιανὸς ἐν Ἀχαϊκῶν δευτέρῳ
Ἡμετέρῃ τοὶ τέκνα Φορωνέως [Τηλοδίκης τε]
Ἀρχῆθεν γενεή· τοῦ δὲ κλυτὸς ἐκγένετ' Ἀπῖς,
Ὅς ῥ' Ἀπῆν ἐφάτιζε καὶ ἀνέρας Ἀπιδονῆας.

Quod Jacobsius in Anth. gr. T. XIII. p. 947. ita interpretatur: *Nostri generis principium petendum a liberis Phoronei; ex hoc Phoroneo natus Apis* etc. Ejusdem viri egregii conjecturae doctissimae debentur uncis inclusa, quum in vulgata post Φορώνειος sit ἦν δ' et lacuna. Apollodorus enim II, 1, 1. Apidem Phoronei et Laodices filium perhibet, sed in codd. est λοδικῆς et τηλοδικῆς, quam codicum lectionem firmat Tzetzes ad Lyc. 177, qui sua ex Apollodoro hausit. Eustathius ad Dion. Per. 415. Rhiani locum a verbis κλυτὸς Ἄπις repetit praecedentibus omissis.

Deinde ex eodem libro v. Ἀτλαντες — Πανὸς δὲ ἐν Ἀχαϊῶν θαλάσσῃ Ἀτάραντας μετ' αὐτοὺς εἶναι φησι καὶ Ἀτλαντας, καὶ ὅτι οὐ βλέπουσιν οὗτοι ὀνείρους. quod repetivit Eustathius ad Dion. Per. 66. Atlantes autem somniorum expertes dici acceperat Rhianus ab Herodoto IV, 184. Tum idem liber citatur de Achajae urbe Βολίνη h. v. quam desertam noverat Pausanias. vid. VII, 23, 3. E tertio libro commemoratur urbs Φαιστός h. v. a Cretica distinguenda, et e quarto Σχολίς h. v. ejusdem regionis urbs.

IV. ἩΛΙΑΚΑ, non Ἰλιακά, quod vitium passim adhuc reperitur veluti in Reinesii Observ. in Suidam p. 218. in Fabric. Bibl. gr. I, 735. IV, 658. (adde Istri Fragm. p. 71.) et in Stephano B. sed apud eundem recte v. Νῶνακτις, πόλις Ἀρκαδίας. Πανὸς ἐν Ἡλιακῶν πρώτῳ. Hinc Berkeleyus in Stephano, ubi Ἰλιακά Rhiano tribuuntur, scripsit Ἡλιακά, ut v. Λαπέρσα, ubi montis Laconici ita dicti Rhianus mentionem fecisse perhibetur in Ἡλιακῶν πρώτῳ. Similiter v. Μελαίνας, ubi de hac Arcadiae urbe ex primo libro Eliacorum Rhiani hic versus affertur:

Γόρτυν, Ἡραίαν τε πολυδούμιους τε Μελαίνας.

ita enim Salmasius et Jacobsius restituerunt; apud Pausaniam VIII, 26 extr. haec urbs dicitur *Melaenae*. Tertium Eliacorum librum testem adhibet Stephanus v. λιθῆσιος, ὁ Ἀπόλλων ἐν τῇ Μαλείᾳ, λιθῶ προσιδρυμένος ἐκεῖ. Πανὸς Ἡλιακῶν τρίτῳ. Ipsa haec verba Suidas repetivit Rhiani nomine praetermisso, atque etiam Phavorinus Λιθησίον habet Apollinem, quanquam haec nominis forma dubia videri possit. Quod

enim Stephanus et Suidas addunt, ut a *Μάραθος Μαραθήσιος* ita et hoc nomen factum esse, id non congruit cum eo loco, ubi Stephanus ab Acarnaniae urbe Maratho dicit gentile duci *Μαραθούσιος*, ὡς *Κάδος Καδούσιος*, Gronovius addit *Λάμος Λαμούσιος*.

Εἰακίς non dubitavi subungere illud Stephani B. v. *Ἀμυθαονία, μοῖρα τῆς Ἠλίδος ἀπὸ Ἀμυθάονος τοῦ Κρηθέως*, ὡς *Ριανός*.

V. *ΜΕΣΣΗΝΙΑΚΑ*. Messeniorum bellum Rhianus ἐν τοῖς ἔπαισι ἐποίησεν Pausania teste IV, 6, 1. *Messeniacis* verò Rhiani longe majus quam caeteris ejus operibus pretium statuendum esse nobis videtur, quod iis se Pausanias in suis usum esse profitetur Messenicis. Quum vero Pausanias solus inter veteres scriptores pleniorē nobis bellorum Messeniorum narrationem reliquerit, e qua nobis eorum historia contexenda sit, eo magis in illius narrationis fide aestimanda quaerendum videtur, quae poëtae Rhiaui fuerit in his rebus auctoritas. Si, quod plures jam dixerunt, Rhianus poëta historicus fuit (sic eum magis appellaverim quam cum Saxio in Onom. I, 110. poëtam et historicum), res quidem per traditionem famamque, quam satis diligenter servatam esse a Messeniis diximus ad interpretationem vernaculam Messeniorum Pausaniae, acceptas versibus ornavisse, non valde mutavisse aut affingendo corrupisse censendus est. Semel tantum notat Pausanias Rhianum a temporum ratione aberrantem c. 15, et in rebus Aristomenis, cui primae deferendae erant, Pausanias jam monuit cap. 6. eum usum videri amplificatione. Neque vero in omnibus sed in quibusdam tantummodo partibus suae historiae Rhianum sequi potuit Pausanias. Rhianus enim omnia nolens ab illorum bellorum initio ad finem perpetua serie persequi primum bellum Messenicum plane non attigerat, verum ea duntaxat, quae Messeniis post defectionem a Lacædaemoniis, quae bellum secundum incendit, evenerant. At neque haec omnia sigillatim perscripserat, sed quae post proelium gesta erant ad Fossam, quae Magna dicebatur, commissum; quod incidit in annum belli secundi tertium v. Paus. cap. 6. Res igitur partim mirabiles partim tragicas simulque providentiae divinae cura et fatorum

vi insignes canendas sibi sumsit Rhianus, inprimis Irae expugnationem et quae eam sequuta sunt. In quibus narrandis fortasse Pausanias ejus legit vestigia, quae maxime in Theocli verbis cap. 21, ubi etiam more poëtico Infinitivus pro Imperativo positus in clausula exitum refert hexametri, σώζειν δὲ καὶ αὐτόν, et in ipsius Aristomenis oratione c. 22. 23. videntur deprehendi: ac fortasse eodem pertinet locus de Aristomene et Theoclo c. 21. ἐπιόντες τὴν πόλιν etc. quae certe Homericis II. IV, 251 sqq. similia sunt. Quo usque autem Rhianus res Messeniorum persequutus sit quanquam non potest, quum desint testimonia, definiri, tamen quae ea de re proposita est opinio qualis sit licebit nobis quaerere. *Müllerus* enim vir summo opere nobis colendus in Dor. I, 152. significat, se suspicari *sextum* Messenicorum Rhiani librum fuisse ultimum. Idem mihi antea placuit putanti, Rhianum hic extrema Aristomenis fata cecinisse in Rhodo mortui ac sepulti. Reputanti autem Rhianum non *Ἀριστομενικά* sed *Μεσσηνιακά* conscripsisse; videbatur ille mihi ultra Aristomenis tempus narrationis filum deduxisse usque ad civitatem Messeniorum in Peloponneso restitutam et urbem Messenen conditam. Quod ut opinarer illi fecerunt Pausaniae loci, ubi narrat Messenios Naupacto profectos de Oeniadis pugnasse cum Acarnanibus c. 25, ubi somnia Comonis, Epaminondae et Epitelis refert c. 26, ubi de Dioscurorum ira in Messenios suscepta et deposita, et de urbe Messene aedificanda c. 27. loquitur; in quibus mihi videbar luculentioris expositionis vestigia animadvertere. Itaque nescio an quod Pausanias c. 29. extr. dicit, se hactenus in hoc quarto libro multa illa Messeniorum infortunia stylo persequutum esse, et quemadmodum eos Deorum numen in extremas terras actos, et in loca a Peloponneso remotissima dispersos in pristinas sedes reduxerit, idem fere propositum fuerit Rhiano. Qui si haec suis complexus fuerit Messenicis, plurimum ea quam *sex* librorum fuisse probabile est. Caeterum Rhianus Aristomenis aetatem ad belli secundi tempora depressit, in quo eum sequutus est Pausanias, qui tum Ardyn Lydiae et Phraorten Medorum reges, tum Damagetum Rhodium Jalysi regem Aristomenis aequales habuit c. 24, 1.

Quod autem teste Pausania c. 6. Rhiano in suo poemate Aristomenes nihilo fuit obscurior quam Homero Achilles in Iliade, id justam quandam excusationem habet; maxima enim inter Graecos gloria semper floruisse Aristomenem, ex eo potest intelligi, quod non modo Graecorum sui temporis longe optimus dictus habitusque est (Paus. c. 24), sed ipse etiam Polybius, scriptor non contemnendus, bellum Messenicum secundum appellavit IV, 33. *Aristomenium*; et adhuc Pausaniae aetate a Messeniis Aristomenes heroicis colebatur honoribus. v. Paus. c. 14. p. 314. c. 24, 1. 27, 4. Huc accedit quod nobili genere Aepytidarum ergo etiam Heraclidarum ortus fuit (Paus. c. 15. p. 316); ex quibus intelligitur, cur Graeci tanto studio omnia indagaverint ad ejus gentem pertinentia, ut non modo parentes sed etiam liberos, generos et sororis maritos possent recensere. Mirum autem ne videatur, quod homo Cretensis Messenium virum tantis extulerit laudibus, nam quae olim inter Cretenses et Lacedaemonios obtinuerat conjunctio, ejus vincula videntur jam Rhiani tempore fuisse soluta ac sublata. Rhiani lapsum in Leotychidae aetate a Pausania notatum esse monui, fortasse tamen ab illo poeta hic Periegetes sibi imponi passus est in *Anaxilao* ad belli secundi finem referendo c. 25. Sed de his quidem satis, nunc dispersas hujus poematis reliquias e veterum scriptis colligamus.

Liber I. Ἰρὰ, ὄρος Μεσσηνίας. Ῥιανὸς ἐν Μεσσηνιακῶν πρώτῳ Steph. B. Hic mons cum oppido cognomine apud Pausaniam IV, 17. p. 523. *Elpa* vocatur. De *Ira* libro primo cecinisse Rhianum probabile est; nam clade ad fossam magnam accepta Messenii se hunc in montem receperant; at vero ab his rebus duxit Rhianus sui carminis exordium, v. Paus. c. 6. Ac nescio an ex eodem libro excerptum sit quod apud Pausaniam c. I, p. 281, legimus, Rhianum tradidisse, *in agro Messenico saltum esse Lyci nominatum*.

Liber IV. Steph. B. Δώτιον. τὸ θηλικὸν Δωτηΐς. Ῥιανὸς ἐν δ' Μεσσηνιακῶν

Ἀυδὴν εἰσάμενος Δωτηΐτι Νικοτελείῃ.

ita legitur in Bibl. Coisl. p. 289. C. O. Müllerus jam adnotavit in Dor. II, 536. Pausaniam, qui idem nomen dedit *Aristomenis matri* IV, 14. p. 314., id a Rhiano accepisse. Sed unde haec *Δωρις* cognominata? Vt breviter quod sentio aperiam, *Dorium*, urbs Messeniae, non procul ab Andania situm, aliis *Dotium* dictum est. v. Orum in l. c. Stephani; itaque *Δωρις* erit ex urbe Messenica Dotio seu Dorio oriunda. Quod cui non placet, ei hoc vocabulum *Thessalam* interpretanti vix obloquar, quum γῆν Δωριάδα Antimachus et Apollonius Rhodius Thessaliam dixerint apud Stephanum l. c. Si quis autem hoc nomen a *Dotada*, Messeniorum rege ex Aepytidarum genere (Paus. c. 3. extr.), duceret, a paucis audiretur.

Hic locus videtur postulare, ut de *patre* etiam *Aristomenis* dicamus. A Pausania c. 18, 2. notantur qui Aristomenis res magnificentius extolunt, et qui hoc studio ducti narrarunt, quum a Lacedaemonius in Caeadam iniectus esset, eum ab aquila, quae cadentis corpus passis alis subierit et sustinuerit, delatum esse ad ejus barathri ima omni ex parte integrum et incolumem. Qui hoc colore poetico illam rem illustrarunt, in iis esse potuit Rhianus, vere eum fuisse nemo dixerit. Iis autem, qui Aristomenis res splendidiore reddere studuerunt, accensendi videntur esse mirabilia de ejus origine narrantes apud Pausaniam c. 14, 5. Hi enim cum matre ejus *Nicotelea* daemonem quendam seu deum summa draconis forma concubuisse memorarunt. Fabula huic similis Aristodamam Aratum e dracone concepisse, hunc vero Aesculapium fuisse tradidit apud Pausaniam II, 10. p. 134. Rhianum tamen Aristomeni patrem affinxisse Aesculapium, equidem non crediderim; quum enim Messenios ipsos Aristomenem Hercule vel Jove genitum praedicasse neget Pausanias c. 14, credibile non est, tale quid ausum esse Rhianum fingere, quae inter Messenios obtinuit famam cunctatum, ut videtur, evagari. Quodsi in Aristomenis patre fecisset, id Pausaniam hoc ipso loco, ubi de eadem re loquitur, significaturum fuisse arbitramur. Itaque quod in Anth. Pal. T. I. p. 277. de *Gorgo* quodam Asclepiadis filio legitur epigramma Rhiani, an de Aristomenis filio intelligendum

sit dubitamus. Messenii ipsi in libationibus Aristomenem invocantes filium appellarunt *Nicomedis* (victoriam meditantis et deportantis), plerique autem Graecorum Aristomenis patrem *Pyrrhum* quendam nominarunt teste Pausania c. 14.

Quarti vel Quinti libri videntur fuisse duo illi versus apud Pausaniam c. 17. extr. qui sunt de undecim annis, per quos in monte Ira Messenii a Lacedaemoniis obsessi sunt.

Liber V. Steph. B. Φιγαλία, πόλις Ἀρκαδίας. 'Ριανὸς ἐν τῇ Μεσσηνιακῶν

τὴν μὲν ἀνήγει' ἄκουτιν ἐπὶ κραναήν Φιγαλείαν.

Hoc intelligendum est de *Tharyce* Phigalensi, qui Aristomenis sororem *Hagnagoram*, post mortem mariti *Euergetidae* viduam (Paus. c. 21. 25.), ergo post Irae expugnationem in matrimonium duxit v. Paus. c. 24. Quod equidem non contemserim ut levem famam, quum Messenii tum extorribus Arcades non modo tecta cum ipsis habitanda sed etiam civitatem atque filias suas nuptum dederint ipso testante Polybio IV, 3.

Liber VI. Steph. B. Ἀτάβυρον ὄρος 'Ρόδου' 'Ριανὸς ἔκτῃ Μεσσηνιακῶν. In exaequo cacumine hujus montis, qui Straboni XIV, 655 (609) *Atabyris* dicitur, fuit Jovis Atabyrii templum, quod adhuc Diodori aetate eximio honore colebatur, et unde prospectus patebat usque ad Cretam. v. de eo S. Bocharti Chanaan. lib. I. cap. 7. p. 397. Sed idem Stephanus v. Κρητηνία habet in Rhodo Ἀταβύρια ὄρη et inde dictum *Jovem Artabyrium*. In hoc sexto libro Rhianus Aristomenis et migrationem in insulam Rhodum cum filia, quam *Damagetus* Jalysi rex duxit (cf. Boeckh, ad Pind. O. VII. p. 165), et diem supremum, quem ibi obiit, et honores, quibus eum mortuum auxerunt Rhodii, videtur cecinisse. cf. Pausanias c. 24, 1. qui Aristomeni mortuo insigne sepulcrum a Damageto Rhodiisque factum narrat. Erit fortasse qui hoc quoque a Rhiano vel aliis poetis fictum a Pausania temere susceptum esse dicat: sed ei Antipatri Sidonii epigramma in Aristomenis sepulcrum in Anth.

Pal. T. I. p. 350. obstat, quo traditur aquila hujus Aristomenis tumulo imposita dicere, se praestantem illius viri fortitudinem significare. Jacobsius negat se scire, num revera ejus tumulus aquila insidente ornatus fuerit; quae confessio prae se fert dubitationis speciem. Quodsi hoc nulla causa addita in dubium vocamus, eodem jure dubitare licebit, an tumulus vel Platonis aquila, vel Teleutiae leone, vel Sophoclis Sirene fuerit condecoratus, quanquam has effigies eorum sepulcris adjunctas fuisse legamus in Diog. L. III, 44, in Anth. Pal. T. I. p. 324. ibid. p. 434. et in graeca vita Sophoclis. An solum leonis signum in Thebanorum, qui in acie contra Philippum ceciderant, sepulcro a Pausania IX, 40, 5. commemoratum auribus nostris fidem faciet, quoniam nostris temporibus pars hujus ipsius signi detecta oculis cernitur? Aristomenem in Rhodo mortuum sepultumque esse inter Messenios quoque constans fama fuit, qui in urbe sua Messene sepulcrum ejus ostendentes narrabant, se ejus ossa e Rhodo deportata hic sepelivisse v. Paus. c. 32.

His adjungendus est locus Stephani B. v. *Ἀνδανία*, ubi gentili *Ἀνδανίος* usus esse dicitur Rhianus fortasse de Aristomene, qui ibidem ex *Andania oriundus* traditur. Maxime autem mirum est quod Stephanus addidit, *Aristomenem Lacedaemonios saepius ab eo victos quum tandem cepissent, dissecuisse ejus ventrem seu pectus visuros, num prae caeteris aliquid singulare haberet; invenisse autem intestina non naturalem formam habentia et cor hirsutum*. Cui fabulae, quam Pausanias cum contemptu praetermisit, alii tamen repetiverunt, sed jam Coelius Rhodiginus lib. IV, c. 16. explosit, Stephanus tamquam auctores addit Herodotum, Plutarchum et Rhianum. Sed quo magis appareat, quam valde haec in Stephano corrupta sint et quam male contracta, ipsa placuit adjungi verba quomodo vulgo leguntur: *ἐν ταύτης (Ἀνδανίας) Ἀριστομένης ἐγένετο ἐπιφανέστατος στρατηγός. τοῦτον οἱ Λακεδαιμόνιοι πολλάκις αὐτοὺς νικήσαντα θαυμάσαντες, ὥς μόλις ἐκράτησαν ἐν τῇ Μεσσηνιακῇ, ἀνατεμόντες ἐσχόπονν εἰ παρὰ τοὺς λοιπούς ἐστὶ τι. καὶ εὖρον σπλάγχνον ἐξηλλαγμένον, καὶ τὴν καρδίαν δασεῖαν, ὥς Ἡροδότος*

καὶ Πλούταρχος καὶ Πριανός. Primum enim Rhianum de Aristomene occiso atque secto memoravisse, parum est credibile; itaque quod ad hunc quidem pertinet, nisi ad ea, quae hic praecedunt de Aristomenis patria, nomen Rhiani referri non poterit; atque in hoc Rhianum Pausanias recte sequutus est: nam quod Fulgentius auctore nescio quo hunc Aristomenem Gortynensem dixit, silentio potuit praetermitti. Vtrum autem Aristomenes a Spartanis interfectus sit nec ne, Müllerus in Dor. I, 152, in medio relinquendum putavit, quum tamen qui ejus caedem narrant, iis haud ita multumtribuendum esse videatur. Repugnat etiam quod de Aristomenis sepulcro et aquilae signo illi imposito paulo ante allatum est. Deinde perperam Plutarcho additus est Herodotus, quum solus possit Plutarchus intelligi, qui in libro de Herodoti malignitate c. 111 p. 291. Hutt. vot. XII. Herodoto reprehenso, quod eo iudice neque Jo rapta, neque Scedasi filiae vitatae essent, nisi ipsae hoc fieri voluissent, pergit: καίτοι καὶ Ἀριστομένη φησὶν αὐτὸς (scil. Herodotus) ὑπὸ Λακεδαιμονίων ζῶντα συναρπασθῆναι. Ex his Plutarchi verbis, quorum priscam depravationem Kaltwasserus non animadvertit, arreptum est quod in hoc Stephani loco de Herodoto, qui hac de re nusquam loquutus est, legitur. Herodoti igitur mentionem ex his graecis Plutarchi verbis plane exterminandam legendumque esse φασὶν αὐτὸν, statim in oculos incurrit; neque mirum, quod in eandem incidit emendationem Müllerus in Dor. I, 142. Ita autem hunc Stephani locum emendandum putamus: ἐκ ταύτης Ἀριστομένης ἐγένετο ἐπιφανέστατος στρατηγός, ὡς Πριανός ἐν τοῖς Μεσσηνιακοῖς. τοῦτον οἱ Λακεδαιμόνιοι ἐκράτησαν, ἀνατεμόντες, — καὶ Πλούταρχος. Quam recepinus lectionem τοῖς Μεσσηνιακοῖς, ea est codicum; locum autem, quem his verbis dedimus, aptiorem esse quam quem in vulgata habent, facile intelligetur. — De *Echino* in proximis, item de *Physco*.

Atque haec habui quae ex Rhiani Messeniatis afferrem; his ea subjungi placuit, quae quorum operum essent liquido a me definiri non potuit.

Schol. Apoll. Rhod. III, init. 'Ριανός φησι μηδὲν διαφέρειν, εἰ μὴ τις ἐπικαλεῖται τῶν Μουσῶν· πάσας γὰρ διὰ τῆς μιᾶς ἀσμελναι. Λέγει δὲ οὕτως

Πᾶσαι δ' εἰσαίουσι μιᾶς ὅτι τοῦτομα λέξεις.

quae quin in limine alicujus carminis posita fuerint, vix potest esse dubium.

Steph. B. Ἀράκυνθος, ὄρος Βοιωτίας, ἀφ' οὗ ἡ Ἀθηνᾶ Ἀρακύνθις, ὡς Ῥιανὸς ἐν τῇ φήμῃ

Κλέθι μοι εὐχάων Ἀρακύνθιας εὐπατέρεια.

De mutanda lectione Βοιωτίας cum Berkelio nunc nemo cogitabit, qui quae ad Virgil. Ecl. II, 24 a VV. DD. adnotata, et a Müllero in Orchomeno p. 53. scripta sunt legerit. *Aracynthi* nomen rectene interpretatus sit J. H. Vossius ad l. I. Virgilii, alii videbunt. Hunc Aracynthum etiam *Actaeum* appellatum (Virgil. l. c.) Minervae sacrum fuisse, praeter nostrum locus Statii docet Theb. II, 239 et Sidonii, quem ibi Barthius recitat. Pro Ἀρακύνθις Berkelius Ἀρακύνθιας scribi voluit. Quid autem ἐν τῇ φήμῃ significet, equidem non possum invenire; num in invocatione, quam hoc nomine poeta alicui carmini praefixit? an singulare carmen fuit hujus nominis? an vero pars alicujus poematis ἡ φήμη, fama, dicta est ut locus Iliadis IX, 502 sqq. αἱ Αἰτᾶι in Schol. Ven. XIX, 94? Quid igitur, licetne sumere fragmentum hoc esse *Heracleae*? Boeotia, cujus fuit Aracynthus, et Minerva, quae Herculis tutela fuit Thebani, hoc nobis videntur quodammodo suadere. His adde quam Bekkerus cepit conjecturam a nobis, ubi de Heraclea Rhiani dicendi finem fecimus, propositam, Rhianum *famam*, qua Juno in Hercule nascendo usa ferebatur, narravisse testantibus Scholiis Homericis laudatis. Φήμη igitur hic esset, quod κλέος in illo Homérico, ἡμεῖς δὲ κλέος οἶον ἀκούομεν. Qui ad corrigendum procliviores sunt, fortasse volent legi Ῥιανός ὁ ἐκ Βήνης vel ἐν τῇ Ἡρακλείᾳ.

Idem. Ἐχίνος, πόλις Ἀκαρνανίας, Ἐχίνου κτίσμα, Ῥιανός Ἐχίνος ἄστρ' ταύτην εἶπεν. Hoc non dubitabis e *Messeniacis* excerptum dicere, belli memor, quod Messenii Naupactum habitantes contra Acarnanes gesserunt. v. Paus. IV, 24. 25. Apud Strabonem IX, 435 (610) videtur

esse haec urbs Thessaliae, cui illam Tzetzes quoque ad Lyc. 904 attribuit. Ita hoc esset fragmentum Θεσσαλικῶν. Illud tamen, si hic Echinus s. Echion vates fuit Acarnan. (v. Steph. v. Ἐχίνοι), videbis esse probabilius.

Idem. Φύσκος, πόλις Λοκρίδος ἀπὸ Φύσκου τοῦ Αἰτωλοῦ — Φύσκος δὲ, ἀφ' οὗ οἱ Ἀέλεγες οἱ νῦν Λοκροί. Ριανὸς δὲ Φυσκέας αὐτοὺς καλεῖ. Hoc in Messeniaceis lectum esse existimo, quum Naupactum urbem aliis Aetoliae aliis Locridis dictam Athenienses Locris Ozolis ademerint, et Messeniis habitandam dederint. v. Paus. IV, 24 extr.

Idem. Μάχρνες, ἔθνος Αἰθύης. Ριανὸς δὲ Μάχριας διὰ τοῦ ἐκ τούτων φησίν. Hos Rhianus vel in Heraclea vel in Messeniaceis commemoravit. v. Paus. IV, 26. qui narrat, maximam Messeniorum, qui Naupacto ejecti erant, partem ad Euesperitas in Libya migrasse.

Pollux II, 37, 180. Τοὺς σπονδύλους Ριανὸς καὶ κύβους ὠνόμασεν, Αὐχένος ἐξ ὑπάτοιου κύβου ἐπιτέλλεται ἰξὺς. ubi antea Ἀρρίανος legebatur.

Stobaeus Flor. T. IV, p. 54. Gesn. viginti versus hexametri et unus. „Ex longiore procul dubio poemate. Orationis cujusdam particulam esse suspicor.“ Jacobsius, qui hujus fragmenti argumentum paucis ita exponit: *Diversis deorum muneribus non ita, ut sapientes decet, sed stulte fruimur. Pauperes paupertatem suam exprobrant diis, neque virtutis suae memores nimis abjecto et ignavo sunt animo; divites contra in alteram partem peccant, altius quam pro humana sorte spirantes. Quare Ate, Jovis et Justitiae ministra, eorum vestigia persequuta quae stulte fecerint punire solet.* Repetitum correctumque legitur hoc fragmentum in Jacobsii Anth. gr. I. p. 479. et in Gaisfordi Poet. min. gr. vol. III.

Epigrammata quoque Rhianum scripsisse notum est, quorum quae in Anthologiam graecam recepta sint, indicatum est a Jacobsio in Animadv. in epigr. Anth. vol. III. P. III. p. 945. et in Anth. Pal. T. III. p. 1018. adde Fabr. Bibl. gr. II, 735. IV, 493 sq. Hinc citatur Rhianus ἐν Ἐπιγράμμασιν ab Athenaeo X, p. 499 d.

Sed de his hactenus; nunc ad id, cujus causa haec scripsimus, transeundum est. Indicenda enim nobis sunt *Maettigiana* Solemnia d. XXII. Martii repetenda, et *tentamina* proximis diebus instituenda, quibus, quos progressus in literis nostri habeant discipuli, explorabitur. Ad utraque celebranda et *Summos rei scholasticae in provincia nostra Rectores, et gymnasii nostri Patronos Fautoresque, et discipulorum nostrorum parentes atque cognatos* pro sua quemque dignitate observantissime invitamus. Quem horum solemnium ac tentaminum ordinem tenebimus, eum index additus ostendet, qui veruacula lingua scriptus est, simulque brevem rerum scholasticarum hujus anni narrationem continet, P. P. d. XXI. Martii MDCCCXXIX.
